

Noto. In questa matina, vidi cosa notanda, andarsi vendendo nomboli di manzo per Rialto a soldi 2 la lira, et questo per li temporali stati et sono questi do zorni proximi.

Da poi disnar, fu Pregadi, et leto le lettere, non da conto.

Fu posto, per li Consieri e Cai, una taia a Monfalcon di poner in bando di terre e luoghi do per homicidio fatto, e confiscar i beni. 147, 3, 7.

Fu posto, per li ditti, essendo stà impatà nel Collegio di XX Savii sora i extimi una execution di una possession posta in la villa del monastero dil Pero di sier Gasparo Contarini qu. sier Francesco Alvise, però li sia dà la Quarantia Novissima con li XX Savii. 123, 7, 3.

Fu posto, per li ditti, una gratia a domino Luca Guarico astrologo, di poter far stampar alcuni libri in astrologia, *videlicet*

Fu posto, per sier Marco Malipiero cao di XL solo, la parte di elezer tre Procuratori, et senza dir altro la passò senza contradition et fu presa; qual si ha a metter a Gran Consejo con una clausula, che questa e tutte le parte si metterà in Pregadi, e sono zà poste e non messe, li Consieri siano ubligati a metterle in Gran Consejo. Et questo feze, perchè la parte di far Bailo a Napoli di Romania per seurtinio, li altri tre Consieri che non la messeno, *videlicet* sier Zuan Miani, sier Piero Lando e sier Lunardo Emo non la voleno metter a Gran Consejo, et loro altri tre soli non la poleno metter: hora convenirano meterla. Fu presa. Ave: 109 di si, 69 di no, 4 non sincere; la qual parte fo leta per Nicolò Sagudino secretario.

359 Fu poi intrato in la materia di le zurme, et leta la parte di sier Polo Capello el cavalier savio dil Consejo, sier Francesco Donado solo savio ai ordini, sier Polo Valaresso, sier Agustin da Mula provedadori sora l'armar, *videlicet* far 3000 provisionati in Histria e Dalmatia de schiavoni, murlachi, albanesi et griegi, excepti quelli de le isole Candia, Cipro et Corfù, quali si resalva per armar de li, excepto però famegli e barcauoli, di quali 1500 siano fatti quì et 1500 in tutta l'Istria et Zara e contado, quali loro habbino lire 3 al mese, et quelli fatti quì lire 5, dovendo dar piezaria di andar su le galie armando Zeneral, o per qualche urgente bisogno, quali habbino lire 8 di quiet poi i mexi 4, lire 6; (se) siano chiamati Provedadori per armar debbano star propinqui, sichè in 10 over 15 giorni i se possino aver, e andando sopra le galie, cessi la provision. Siano

electi per uno Savio di terra ferma, uno di Ordini et doi Proveditori sora l'armar, et il Collegio vengi con le opinion dil danaro.

Et sier Zacaria Bembo savio a terra ferma vuol la parte di Savii dil Consejo e sier Domenego Venier savio a terra ferma, che sarà notada quì avanti, et le zurme habbino lire 10 al mexe per li 4 mexi et poi lire 8; con altre clausule, *ut in parte*.

Et sier Zuan Francesco Badoer savio a terra ferma messe una parte longa di exordio, vol dar a le zurme lire 8 per li primi 4 mexi, poi lire 6, et (a) quelli che di Dalmatia o altrove che vegnirano de qui per andar su le galie, per zorni 20 li sia dato da l'Armamento soldi 2 al zorno per uno e il biscotto, e subito che haverano tocà la paga, cessi li soldi 2 e il biscotto. Et ogni anno armar si debbi 25 galie in questa terra, et l'inverno si desarmi, et quel zorno che una galia zonzerà per disarmar, l'altra metti banco. *Item*, perchè la parte di le ordinanze di terra ferma presa in questo Consejo dil 1512 a di 18 Marzo non ha hautò effecto, però il Collegio debbi venir con le sue opinion, *etiam* per trovar il modo dil danaro, *ut in parte*.

Et sier Michiel Morexini savio a terra ferma vol, che ogni anno de qui si armi galie 16, in Candia 4, et in terra ferma 3, per mexi 6; alle zurme sia dà lire 12 per i mexi 4, poi lire 8, et a le ordinanze di terra ferma, oltra la exention personal e prerogativa di le arme, e siano asolti di la exention real da soldi 10 per uno, e di questi si meti 40, over 50 per galia. *Item*, certo ordine di danari di le camere di fuora obligar a ditto armar; ch'è ducati 38 milia, etc.

Et fu posto, per i Consieri, Cai di XL, Savii dil Consejo, excepto sier Polo Capello el cavalier e sier Domenego Venier savio a terra ferma e il resto di Savii ai ordini, *videlicet* dar alle zurme a l'armar lire 10 al mexe, e pasadi li 4 mexi, lire 8 al mexe, et quando li galioli verranno in questa terra per tuor paga sopra le galie, li sia dà il coperto e biscoto fin si armi, overo anderano su le galie. Et da mò sia preso, che ogni anno armar si debbi 25 galie, sicome in questo Consejo del 1519 fu preso. *Praeterea*, per trovar il modo dil danaro di l'armar, tutti quelli di Collegio siano obligati venir per Luni proximo a questo Consejo con le opinion loro, *sub poena*, etc., *ut in parte*.

Andò primo in renga sier Zacaria Bembo e par- 360
lò per la sua opinion ben, che il Consejo non se aspectava tanto di lui; poi parlò sier Michiel Morexini, poi sier Vettor Michiel, qual contradiseva a le